

31. 5. 18. 18.

of the

of the

DECRETA
SYNODALIA

DIOECESIS FERETRANAE

AB ILL^{RI} ET REVEREND^{MO}

D. IOANNE FRANCISCO

SORMANO I. V. D.

DEI, ET APOSTOLICAE SEDIS GRATIA

EPISCOPO FERETRANO

Edita.



Ex legato

Alumnus: Cocini.

ARIMINI, Apud Ioannem Simbenium.

M. D. X C I I.

Permissu Superiorum.



IOAN. FRANCISCVS
 SORMANVS DEI, ET S. SEDIS^{ta}
 APOSTOLICAE GRATIA
 EPISCOPVS FERETRANVS,



Vniuersis suis Diœcesanis S. D.



VOD à Deo optimo maximo Patre
 D.N. Iesu Christi, votis omnibus ex-
 poscebatur, ne videlicet Sancta Ma-
 ter Ecclesia, pijsq; greges, & populi
 acquisitionis, ab Hæreticorum in-
 gluie absorberentur, sed vt lupis
 deterritis, ac propulsatis, Christi o-
 ues haberent, quò se se tutò reciperent, & salubri cibo
 reficerentur, id ab ipsius diuina misericordia impetra-
 tum; perpetuæ igitur à nobis gratiæ agēdæ sunt Spiritui
 Sancto, qui affluit, instruxit, & impulit eos, qui Christi
 A 2 uicem

vicem gerebant in terris, ut conuocarènt Patres, Prælatos, & Præfectos ecclesiarum omnium, qui legitimè, & de iure, & veteri Ecclesiæ consuetudine vocari consueuerunt, ut in Ciuitatem Tridentinam conuenirent ad œcumenicum, & generale Concilium solemniter celebrandum, vbi illi publicos habentes conuentus, & in officio, atque opere sancto, annos xvj. persistentes, discernendo, decidendo, ac decernendo, tandem constituerunt quæ ad cultum diuinum, fidei catholicæ defensionem, morumque reformationem pertinerent, singulaquè postea ad utilitatem, & salutem gentium, ac populorum fidelium in unum volumen digesta, & redacta in lucem ediderunt, ut ab omnibus legi, atque facilè intelligi possent; quo volumine à Sanctissimo D. Pio Quarto Pontifice maximo felicitis recordationis, anno à Natali Iesu Christi Seruatoris 1564. viuæ vocis oraculo, approbato, nobis mandatum, ac iussum est, ut Constitutionibus, ac decretis, quæ in eo continentur, non modo nos pareremus, sed curaremus diligenter, ut & cæteri parerent, ne ea contemnentes diuinæ gratiæ iniuriam facere, & patrum beneficijs, quos non magnis itinerum laboribus, non impensis, nequè adeò saluti pepercisse constat, ut eorum opera esset Christianæ Reipublicæ felix, & Saluatoris, immemores videremur. Nos igitur, qui Deo, & Patribus illis plurimum debere fatemur, quid quid in nobis fuit, quando aliud dare non possumus, libenter dedimus. Primum, quæ tam maturè, & sapienter, fauente spiritu, congesta sunt, hilari animo excipientes, & toto corde, atquè obuijs (quod aiunt) vulnis complectentes, non modo alijs, sed nobis ipsis

primò

primò quoque tempore seruanda, exequendaquè proposuimus. Deinde ne in aliquo verè redargui possemus, vllamudè partem cohortationis, pietatis, charitatisquè plenè, & mandati Sanctissimi D Pij V. Pontificis inaximi, prò ineffabili eius erga nos beneuolentia, atquè humanitate, in discessu ab Vrbe nobis facti, & fidei à Sanctissima sede Apostolica habitæ, ex animo vnuquàm deposuisse uideremur, cum primum Diœcesim hanc nostram peruenissemus, nonnullas Constitutiones ex tempore, lingua constantes prope uernacula, atquè inter Clericos vsitata dictauimus, quæ in Synodo legitimè congregata, publicatę, in Dei omnipotentis laudem, unà cum Sacri Concilij Tridentini, Constitutionibus nostris prius lectis, atquè per nos declaratis, vno omnium ore commendatæ, & lętis animis exceptæ, atquè approbatæ fuerunt. His postea alias adiunximus, & in sequentibus Synodis Diœcesanis publicauimus, & demum omnes in unum hunc libellum redeigimus. Et quia frustra fiunt leges, nisi sint, qui eas exequantur: hortamur nos, atque obsecramus per viscera misericordiæ Domini Nostri Iesu Christi, ut omnia in eo contenta simul cum sacri Concilij Trident. Constitutionibus, & visitationis, decretis, non timore pœnæ, sed uirtutis amore ad unguem obseruare uelitis, ut ueri Clerici, & meritò in sortem Domini uocati, non solum uerbo, sed & opere dici possitis, & neijs, quæ imponuntur pœnis, quidquam prorsus relinquatur loci, sed omnino procul à Diœcesi hac nostra huiusmodi pœnæ sint relegatæ. Quod si à uobis, ut in Domino confidentes speramus, sedulò factum audierimus, & uos de uobis

uobis ipsis optimè (mihi credite) mærebimini , & nos
amplam nostrorum laborum mercedem , immortales
altrissimo , atque omnipotenti Deo gratias semper agen-
tes , uidebimur consecuti .



7

DE SANCTISSIMO

Eucharistiæ Sacramento in tabernaculo conseruando.

✠ Cap. Primum. ✠



V *M* Sanctissima Eucharistia Sacramentum longè alijs excel-
lat, in eo etiã accuratissima di-
ligentia requiritur. Propterea
Rectores omnes, ac alijs, quibus
cura animarum subest, in suis
Ecclesijs Tabernaculum ligneũ
intus, & foris, quòd fieri poterit ornatum, ac subtus
tela corporali stratum, in quo hoc Sacramentum, in
pixide argentea, conseruetur, super maiori altari, vel
in alio digno Ecclesia loco, habeant, & ante illud assi-
duè dies, noctesq; saltem lampas ardeat; Ipsum prate-
rea Tabernaculum sit clausum sera, & claue, qua ab
Ecclesia Rectore diligenter custodiatur, & huiusmodi
sacramentum octauo quoq; die in Tabernaculo reno-
uetur; si quis autem negligens fuerit, pœna duplicata
aestimatiõis Tabernaculi, ac alijs secundum erroris
qualitatem, arbitrio nostro punietur.

Cap. 2.

✠ Cap. II. ✠

PARACHI, & alij Ecclesiarum Ministri diligenter curent, ut omnes ipsis subiecti, tempore Paschatis sanctissima Resurrectionis, nisi aliqua iusta causa à nobis, vel Vicario nostro approbata, tēpus differre vellent, sacram Eucharistiam sumant; Alioquin intra octo dies post octauam, ijdem Parochi manu sua ad nos, vel Vicarium nostrum nomen, & cognomen illorum, qui in hoc peccauerint, simul cum causis, quas extra confessionem acceperint, intra prædictum temporis spatium scripto, sub pena decem scutorū, deferāt.

✠ Cap. III. ✠

ALMVM hoc sacramentum, ubi cōmode hoc fieri poterit, sceminis seorsum à maribus porrigi volumus; Admonentes tamen simul omnes, ut humili, & honesto habitu, animi, & mentis submissionem, & deuotionē significante, ad tantum mysteriū accendant.

✠ Cap. IIII. ✠

PARACHI, adolescentes ad hoc venerabile Sacramentū percipiendum, primo aditu non admittant, quàm eos aliquandiu diligenter examinauerint, et virtute huius sacramēti exquisitè instruxerint, ita ut panem spiritualem à temporali discernere valeant.

Cap. 5.

✠ Cap. V. ✠

PARACHI postquam sanctā Eucharistiam populo ministrauerint, non in calice, nec in alio vase, ad formā calicis fabricato, sed in cyatho, vel patera uitrea purificationē praebeāt, sub pœna scuti unius pro quocunq; Rectore, si secus factum fuisse reperietur.

✠ Cap. VI. ✠

DV M sacra eleuatur hostia, pulsetur campana, ut qui audiunt, licet non adsint, admoneātur, & saltem mente illam adorent. Sub pana duorum in-
liorum pro qualibet vice.

De Sanctiss. Sacramento ad infirmos deferendo.

✠ Cap. Primum. ✠



SACERDOS superpeliceo, ac stola indutus, sanctissimam Eucharistiam ad infirmos summa cum reuerentia, & religione, in bursa serica, qua collo annecti possit, in pixide argentea corporali strata, repositam, cum luminibus, & campanellis, & cum umbella (ubi cōmode fieri poterit) praecedentibus, deferat, sub pœna scuti unius pro qualibet vice, qua contrauentū fuerit.

B Cap. 2.



QUONIAM verò periculum est in eundo, ne luminaria extinguatur, in his præsertim regionibus, ubi magna vis ventorum dominatur, quod sine maximo dedecore non esset; Ideo Parochi intra duos menses (nisi unusquisque eorum contraveniens quatuor aureis mulctari velit) lâternam magnam super condecienti hasta positam huic solo negotio destinatam, habeant; Hortentur insuper Parochi quàm sepius populum sibi subiectum, ut cum deferendum erit hoc sacramentum, statim pulsata Ave Maria, ac datis signis ad eum inuitandum, conuocatus adsit, neque eum pigeat, Deum Redemptorem nostrum concomitari, colere, & venerari.



SI quis ex necessitate, vel alia iusta causa ab Episcopo, vel proprio Parocho comprobanda, extra suam parochiam communionem acceperit, nisi veritatis fidem ab eodem, à quo sumpsit, proprio Sacerdoti detulerit, in eum agatur, ac si non communicasset.

De silentio in comitando Sanctissimum Sacramentum Eucharistiæ.

✠ Cap. Vnicum. ✠



CONCOMITANTES hoc sacramentum ab omni prorsus strepitu abstineant, sed denudato capite, vel orationem dominicā, vel salutationem Angelicam, vel Hymnum Pange lingua, frequenter submissa voce, cum debita sanctitate recitent, idque ut faciant etiam, atque etiam rogamus. Qui uero secus fecerint, sciant se ultra indignationem omnipotentis Dei, ex qualitate delicti à nobis fore puniendū.

De Sacramento Baptismi.

✠ Cap. Primum. ✠



PAROCHIS, & alijs Ecclesiarum Ministris, sub suspensionis pœna, mādāmus, ne aliter, quam adhibitis exorcismis, ex sufflationibus, unctionibus, & alijs secundum Catholicæ Romanæ Ecclesiæ ritum, ab antiquo tempore obseruari solitis, in aqua pura, ac simplici, benedictione solemni, & sacri chrismatismis unctione san

B 2 etificata

ctificata (nisi necessitate cogantur) hoc Sacramentum ministrare audeant.



Cap. II.



NE plures baptizatum de baptismo suscipiant, sed unus tantum siue Vir, siue mulier, vel ad summum unus, & una, laudabilis vita, & honesta fama, Neque sit Clericus sacris initiatus, vel Monachus, aut qui ignoret Symbolum Apostolorum, Orationem dominicam, & Angelicam salutationem, & qui eo anno Pascha tempore, ex precepto Ecclesie peccata confessus non fuerit, & Sanctissimam Eucharistiam non sumpserit, sub pœna sex scutorum.



Cap. III.



PAROCIVS doceat compadres, per baptismum in Christo filios spiritualiter generari, & eos pro suo susceptionis officio, fide, pietate, & christiane religionis rudimentis, & optimis moribus formare, si parentes id facere ommisserint, teneri.



Cap. IIII.



HABEAT librum Parochus in conuenienti loco, & cauto, in quo baptizati parentum, et compatrum, nomen, cognomen, diemq; natiuitatis, &

Et baptismi, Et si ex iustis nuptijs susceptus sit, describat, Et singulis annis per totam octauam Paschatis Resurrectionis, eius rationis exemplum det nobis, vel Vicario nostro, in libro ad hoc destinato registrandum, sub pœna scutorum duorum unoquoque anno, quo defecerint.

✠ Cap. V. ✠

IN baptismo, Et confirmatione idem patrinus non fiat, nisi necessitas cogat, nec plures duobus, in confirmatione quis teneat.

De pueris domi baptizatis.

✠ Cap. Primum. ✠



DAROCHIS, Et alijs Ecclesiarum Ministris strictè sub suspensionis pœna precipimus, ut de pueris in domibus parentum baptizatis, ab obstetricibus, vel alijs, exquirere non desint, Et si compererint debitam verborum formam seruata, baptismum sic traditum approbent, illum vero consuetis unctionibus cum oleo sancto in pectore, scapulis, Et vertice cum chrismate, iunctis solitis precationibus, quæ in agendis habentur, iuxta vetustissimũ Ecclesie ritũ, piè, et cautè suppleat.

Cap. 2.



QVI verò domi debita forma baptizati nō fuerint, totum baptismum, secūdum Ecclesie ritum, suscipiant.



SI autem, certum sit puerum baptizatum fuisse, sed nescitur, adhibita etiam exacta indagatione, qua forma sit baptizatus, tunc sub conditione baptizetur. Si es baptizatus ego te non baptizo, sed si non es baptizatus Ego te baptizo. Et ista non censebitur secunda, sed conditionalis baptizatio.



SVNT etiam aliqui, qui nullum putant baptizatum, cum sub conditione baptizant, propterea nō solum perscrutari, & inuestigare non curant, sit ne puer baptizatus, vel non, verum etiam si constat esse domi baptizatum, eum rursus sub conditione in Ecclesia sacri fontis aqua solemniter baptizant, quod de cetero, sub dicta pœna, & alijs arbitrio nostro infligendis, cauendum duximus.



